

Martxoaren 20ko 2/2002 FORU ARAUA, Zenbait Hidrokarburoen Txikizkako Salmenten gaineko Zergari buruzkoa.

AZALPEN OHARRA

Testu hau dibulgaziozkoa da soilik, eta ez du inolako izaera ofizialik. Eguneratutako Foru Arau osoa jasotzen da bertan.

Testuaren bukaeran, foru arauaren zenbat artikulua aldatu dituzten xedapenen zerrenda ere ageri da.

1. artikulua. Izaera.....	2
2. artikulua. Aplikazio eremua.....	3
3. artikulua. Esparru objektiboa.....	3
4. artikulua. Zergaren ondorioetarako finkatutako kontzeptua eta definizioak.....	3
5. artikulua. Zerga gaia.....	5
6. artikulua. Salbuespenak.....	5
7. artikulua. Subjektu pasiboak.....	7
8. artikulua. Zerga sortzea.....	7
9. artikulua. Oinarri ezargarria.....	7
10. artikulua. Zerga tasa.....	7
11. artikulua. Zerga jasanaraztea.....	8
12. artikulua. Kudeaketa arauak.....	8
13. artikulua. Urraketak eta zigorrak.....	8
AMAIERAKO XEDAPENAK.....	8
Lehena. Indarrean jartzea.....	8
Bigarrena. Diputatua gaitzea.....	8

HITZAURREA

Abenduaren 18ko 3/1979 Lege Organikoaz onartutako Euskal Autonomia Estatutuak 41. artikuluan dioenez, lurralde historikoetako erakunde eskumendunek zerga araudia mantendu, finkatu eta arautu ahal izango dute haien lurraldean, estatuko zergen egitura orokorrari, Ekonomia Itunean jasota dauden estatuarekiko zerga koordinazio, harmonizazio eta kolaborazio arauak eta Euskal Autonomia Erkidegoaren barruan helburu horietarako Eusko Legebiltzarrak eman dituen arauak jarraituaz.

Era berean, Estatutuak jasotakoaren arabera, zerga guztiak lurralde historiko bakoitzaren barruan ordainarazi, kudeatu, likidatu, bildu eta ikuskatuko dituzte Foru Aldundiek, salbu Aduanetako Errenten barruan sartutakoak eta egun monopolio fiskalen bitartez biltzen direnak, eragotzi gabe estatuarekiko kolaborazioa eta goi mailako ikuskaritza.

Zerga, administrazio eta gizarte neurriak buruzko abenduaren 27ko 24/2001 Legearen bitartez sortu da berriki, 2002ko urtarrilaren 1etik aurrerako ondorioekin, Zenbait Hidrokarburoen Txikizkako Salmenten gaineko Zerga. Hori horrela, haren bilketa osasun arloko gastuak estaltzeari lotuta geratu da eta, hala dagokionean, ingurumen arloko ekimenei lotuta.

Hidrokarburoen kontsumoa zergapetzen duen zeharkako zerga gisa eratu da zerga berria, eta fase bakarrean zergapetuko ditu bere esparru objektiboaren barruan sartutako produktuen txikizkako salmentak. Lurralde espainiar osoan exijituko da zerga, salbu Kanarietan, Ceutan eta Melillan, nazioarteko hitzarmen edo itunak eta lurraldeagatik hitzartutako zerga araudi bereziak eragotzi gabe.

Illo horretatik beretik, Kontzertu Ekonomikoak ezartzen du Lurralde Historikoetako Erakunde eskudunek zerga erregimena mantendu, ezarri eta arautu ahal izango dutela beren lurraldearen barruan, salbuespen jakin batzuekin, eta Foru Aldundiei dagokiela Lurralde Historikoetako zerga sistema osatzen duten zergak ordainarazi, kudeatu, likidatu, ikuskatu, berrikusi eta biltzea.

Era berean, Lurralde Historikoek ezartzen duten zerga sistema Estatuko zerga egitura orokorraren arabera izango dela adierazten du Kontzertu Ekonomikoak.

Illo horretatik, Kupoaren Batzorde Mistoak 2002ko martxoaren 6an hartutako Akordioan zenbait hidrokarburoen txikizkako salmenten gaineko Zerga hitzartzen da, zeinaren helburua oso-osoan foru eskumenekoak bakarrik diren osasun alorreko edo ingurumeneko jardueren gastuak finantzatzea izango den.

Zerga berria Gipuzkoako Lurralde Historikoaren zerga sistemaren barruan ezartzea komeni denez, foru arau honen bidez arautuko da.

1. artikulua. Izaera.

Bat. Zenbait Hidrokarburoen Txikizkako Salmenten gaineko Zerga zeharkako zerga da, eta produktu haien kontsumoa zergapetzen du. Fase bakarrean zergapetzen ditu bere esparru objektiboaren barruan sartutako produktuen txikizkako salmentak, foru arau honen xedapenetan jasotakoaren arabera.

Bi. Zerga honetatik datozen etekinak osasun gastuen edo ingurumen jarduketei lotuta geratuko dira osorik.

2. artikulua. Aplikazio eremua.

Bat. Zenbait Hidrokarbuoren Txikizkako Salmenten gaineko Zerga Gipuzkoako lurralde historikoan exijituko da, foru arau honetan xedatutakoaren arabera, nazioarteko hitzarmen eta itunetan jasotakoa eragotzi gabe.

Bi. Gipuzkoako Foru Aldundiak ordainaraziko du Zenbait Hidrokarbuoren Txikizkako Salmenten gaineko Zerga, haren esparru objektiboan sartutako produktuen txikizkako saltokia Gipuzkoan dagoenean. Ondorengo 4. artikulua lau apartatuan jasota dago txikizkako saltokiaren definizioa.

3. artikulua. Esparru objektiboa.¹

Bat. Zerga honen esparru objektiboaren barruan sartutako hidrokarburoak gasolinak, gasolia, fuelolia eta berogailuko erregai gisa erabili gabeko kerosenoa dira, martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 49. artikuluan jasotakoari jarraituaz.

Bi. Beste hauek ere sartuta daude esparru objektiboan:

a) Aurreko bat apartatuan aipatutakoez bestelako hidrokarbu likidoak, baldin eta berogailuko erregai gisa erabiltzen badira.

b) Aurreko bat apartatuan aipatutakoez bestelako produktuak, baldin eta karburante gisa edo karburante baten amaierako bolumenaren handigarri gisa erabiltzen badira, salbu gas naturala, metanoa, petrolioaren gas likidotua eta litrotik gorako bolumena ez duten ontzietan sartutako gainerako produktu baliokideak eta karburante-gehiak.

Hiru. Aurreko bi apartatuan jasotakoaren arabera esparru objektiboan sartutako produktuak bat apartatuan aipatutakoen artean erantsi zaizkion produktuari edo haiek ordezkatzat hartzen den produktuari aplikaziozkoa zaion zerga tasan zergapetuko dira, Hidrokarbuoren gaineko Zergari dagokionez jarritako irizpideei jarraituaz, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzeko martxoaren 3ko 20/1998 Foru Dekretuak 46. artikulua 2 eta 3 apartatuak eta 50.1 artikulua bigarren tarifa aplikatzeko.

4. artikulua. Zergaren ondorioetarako finkatutako kontzeptua eta definizioak.

Bat. "Txikizkako salmentak".

Honako hauek hartu dira txikizkako salmentatzat:

¹ 3. artikulua hau otsailaren 25eko 5/2003 Foru Dekretuaren 3. artikuluko bat zenbakiak aldatu du. Foru Dekretu honek foru xedapen batzuk lurralde komunean onartutako 52/2002 eta 53/2002 Legeetan egin diren arau aldaketetara egokitzen ditu. Foru Dekretu hau Gipuzkoako Aldizkari Ofizialean argitaratzen den egun berean jarriko da indarrean eta 2003ko urtarrilaren 1etik aurrera sortuko ditu ondorioak. (GAO 2003-03-06).

a) Esparru objektiboaren barruan sartutako produktuen salmentak edo emateak, erosleen zuzeneko kontsumorako erabiltzen direnean. Nolanahi ere, “txikizkako salmentatzat” hartuko dira jendearentzako saltokiek ondorengo bi apartatuko a) letran aipatutakoaren arabera egiten diren txikizkako salmentak, kontuan hartu gabe produktu horiei zertan erabiltzen duten.

b) Esparru objektiboan sartutako inportazioak eta batasun barruko erosketak, inportatzaile edo erosleak bere kontsumo establezimendu batean zuzenean kontsumitzeko erabiltzen direnean.

Bi. “Jendearentzako txikizkako saltokiak”.

a) Esparru objektiboko produktuen zuzeneko kontsumorako jendeari saltzeko instalazio finkoak dituzten establezimenduak, baldin eta, hala dagokionean, behar bezala baimenduta badaude petrolio gaien banaketa arloan indarrean dagoen araudiari jarraituaz.

b) Esparru objektiboko produktuak jaso eta kontsumitzeko behar diren instalazioak dauzkaten amaierako kontsumitzaileei hornitzen dizkieten establezimenduak.

Hiru. “Norbere kontsumorako establezimenduak”.

Esparru objektiboko produktuak jaso eta amaierako kontsumoa egiteko tokiak edo establezimenduak, baldin eta titularrek aurreko bat apartatuko b) letran aipatutako kasuetan jasotzen badituzte.

Lau. “Txikizkako saltokia.”

Jendearentzako txikizkako saltokietan egintzat hartuko dira txikizkako salmentak. Dena den, salbuespenez, aurreko bat apartatuko b) letran aipatutako kasuetan norbere kontsumorako establezimenduan egintzat hartuko dira salmentak, eta aurreko bi apartatuko b) letran aipatutako kasuetan, aldiz, zergapeko produktuak jaso eta kontsumitzeko instalazioetan.

Bost. “Erabilpen bereziko eta berogailuko gasolioa.”

Zergei eta sektore-antolaketari buruzko xedapenetan finkatutako beharkizun eta baldintzak betez berogailuko erregai gisa edo Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzeko martxoaren 3ko 20/1998 Foru Dekretuak 54. artikuluen 2 apartatuan jasotako erabilpenetan karburante moduan erabiltzen den gasolioa.

Sei. “Erabilpen orokorreko gasolioa”.

“Aurreko apartatuan jaso gabeko gasolioa”.

Zazpi.² “Kerosenoa”. Zergei eta sektore-antolaketari buruzko xedapenetan finkatutako beharkizun eta baldintzak betez berogailuko erregai gisa erabiltzen ez den kerosenoa.

² Zazpi apartatu berri hau otsailaren 25eko 5/2003 Foru Dekretuaren 3. artikuluko bi zenbakiak sartu du aurreko zazpi eta zortzi apartatuak kenduz. Foru Dekretu honek foru xedapen batzuk lurralde komunean onartutako 52/2002 eta 53/2002 Legeetan egin diren arau aldaketetara egokitzen ditu. Foru Dekretu hau Gipuzkoako Aldizkari Ofizialean

Zortzi. (ezabatua)³

5. artikulua. Zerga gaia.

Bat. Esparru objektiboan sartutako txikizkako salmentak zergari lotuta daude. Zergaren subjektu pasiboek zergapeko produktuak autokontsumitzea dakarten eragiketak ere zergari lotuta daude.

Bi. Ez daude zergari lotuta esparru objektiboan sartuta dauden produktuen emateak, baldin eta erosleari lehengoratzeari edo beste berdin batzuek ordezkatzeari badakarte, aurretik erosleak saltzaileari itzuli dizkionean behin zergari lotuta egon den salmenta edo emate baten ondorioz jaso eta gero.

Hiru. Esparru objektiboan sartutako produktuak saldu direla eta erosleen eskura jarri direla ulertuko da, baldin eta zergaren kuotak ordaindu direnik frogatzen ez duten subjektu pasiboek haien erabilpena edo helburua zurriz ez badute.

6. artikulua. Salbuespenak.

Bat. Txikizkako salmentak kasu hauetan salbuetsita egongo dira zergatik:

a) Salmentak diplomazia edo kontsulen harremanen esparruan egiten direnean.

b) Salmentetan erosleak Espainian halakotzat hartutako nazioarteko organizazioak edo organizazio horietako kideak direnean, edo Espainiak sinatutako hitzarmen batean zehaztutako pertsonak direnean, organizazio horien nazioarteko hitzarmenetan, egoitza-akordioetan edo nazioarteko hitzarmenean jasotako mugapean eta baldintzetan.

c) Salmentetan erosleak Espainia ez den beste edozein estatutako indar armatuak direnean, baldin eta Ipar Atlantikoko Ituneko kideak badira edo indar horiek edo horien zerbitzupeko langile zibilek erabili edo haien jantokiak edo tabernak hornitzeko 90/6407/EEE Erabakiak 1. artikuluan aipatutako indar armatuak badira.

d) Aisialdiko nabigazio edo abiazio pribatua egiten dutenez bestelako itsasontzi edo aireontziei karburantea hornitzeko salmentak direnean, bai eta trenbide garraioan erabiltzeko karburante hornidura dakarten salmentak direnean ere. Aisialdiko nabigazio edo abiazio pribatutzat hartuko dira martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 4. artikuluan halakotzat hartzen direnak.

e)⁴ (indargabetua)

argitaratzen den egun berean jarriko da indarrean eta 2003ko urtarrilaren 1etik aurrera sortuko ditu ondorioak. (GAO 2003-03-06).

³ Zortzi apartatu hau otsailaren 25eko 5/2003 Foru Dekretuaren 3.artikuluko bi zenbakiak ezabatu du. Foru Dekretu honek foru xedapen batzuk lurralde komunean onartutako 52/2002 eta 53/2002 Legeetan egin diren arau aldaketetara egokitzen ditu. Foru Dekretu hau Gipuzkoako Aldizkari Ofizialean argitaratzen den egun berean jarriko da indarrean eta 2003ko urtarrilaren 1etik aurrera sortuko ditu ondorioak. (GAO 2003-03-06).

⁴ e) letra hau indarrrik gabe utzi du Urtarrilaren 9ko 1/2007 FORU DEKRETU ARAUAren xedapen indargabetzaileak. Aipatu FORU DEKRETU ARAUAk Gipuzkoako Lurralde Historikoko zerga araudia lurralde erkidean onartutako 10/2006 Errege Dekretu Legeak eta 36/2006 eta 42/2006 Legeek jasotako hainbat xedapenetara

f) Esparru objektiboan sartutako produktuen salmentak direnean, baldin eta erosleak honela erabiltzen baditu:

1.- Aurretik erosleari Hidrokarburoen gaineko Zergatik salbuesteko eskubidea aitortzea dakarkion erabilpena egitea, martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 52. artikularen a) letran jasotakoaren arabera.

2.⁵ Zentral elektrikoetan argindarra sortzea edo zentral konbinatueta argindarra sortzea edo argindarra eta beroa batera sortzea, baldin eta eroslea instalazio horien titularra izanik aurretik Hidrokarburoen gaineko Zergatik salbuesteko eskubidea aitortu badu martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 51. artikularen 2 apartatuko c) letran jasotakoaren arabera.

3.- Aireontzi eta itsasontziak egitean, aldatzean, probak gauzatzean eta mantentzean erabiltzea, baldin eta aurretik erosleari Hidrokarburoen gaineko Zergatik salbuesteko eskubidea aitortu bazaio, martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 51. artikularen 2 apartatuko e) letran jasotakoaren arabera.

4.- Ur nabigazioko bideetan eta portuetan dragatzea, baldin eta aurretik erosleari Hidrokarburoen gaineko Zergatik salbuesteko eskubidea aitortu bazaio, martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 51. artikularen 2 apartatuko f) letran jasotakoaren arabera.

5.- Labe garaietan erredukzio kimikorako injeztatzea, erregai nagusi moduan erabilitako ikatzari erantsita, baita ere bigarren momentu batean injezio horretatik berotze helburuko konbustio bat gertatzen denean, baldin eta aurretik erosleari, instalazio horien titularra izanik, Hidrokarburoen gaineko Zergatik salbuesteko eskubidea aitortzen bazaio martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 51. artikularen 2 apartatuko g) letran jasotakoaren arabera.

Bi. Aurreko apartatuan jasotako salbuespenak aplikatu ahal izango dira aurretik sortu eta zergapeko produktuagatik ordaindutako prezioari gehitu zaion zergaren itzulketa gisa, hala behar denean.

Hiru. Artikulu honetan jasotako salbuespena aitortu eta, hala behar denean, itzulketa gisa aplikatzean, oinarri gisa erabil ahal izango da martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, jasotako

egokitzen du. Gipuzkoako Aldizkari Ofizialean argitaratu ondorengo egunean jarriko da indarrean (2007-01-15ko GAO), eta 2006ko abenduaren 1etik aurrera izango ditu ondorioak.

⁵ 2.atal hau hainbat zerga xedapen lurralde komunean egindako lege aldaketa batzuetara egokitzen dituen otsailaren 24ko 10/2004 FORU DEKRETUaren 4.artikuluak aldatu du. Foru dekretu hau Gipuzkoako Aldizkari Ofizialean argitaratu eta ondorengo egunean jarriko da indarrean, eta 2004ko urtarrilaren 1etik aurrera izango ditu ondorioak. (GAO 2004-03-02).

salbuespen baliokideak aitortu eta aplikatzeko indarrean dagoen prozedura, kontuan hartuz Ogasuneko eta Finantzetako foru diputatuak finkatzen dituen egokitzapenak.

7. artikulua. Subjektu pasiboak.

Zergapeko produktuen jabeak zergaren subjektu pasiboak izango dira, baldin eta zergapeko eragiketak egiten badituzte. Dena den, aurreko 4. artikulua bat apartatuko b) letran jasotako kasuetan, norbere kontsumorako establezimenduen titularrak izango dira zergaren subjektu pasiboak.

8. artikulua. Zerga sortzea.

Bat. Esparru objektiboan sartutako produktuak erosleen eskura jartzerakoan edo, bestela, autokontsumitzerakoan sortzen da zerga, baldin eta martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 4. artikulua 20 apartatua aipatutako erregimen etena amaituta badago.

Bi. Aurreko 4. artikulua bat apartatuko b) letran jasotako inportazioetan, esparru objektiboan sartutako produktuak inportatzaileen eskura jartzerakoan sortuko da zerga, behin amaitu eta gero produktuen kontsumorako inportazioa eta martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 4. artikulua 20 apartatua aipatutako erregimen etena.

9. artikulua. Oinarri ezargarria.

Bat. Zergapeko produktuen bolumena izango da zergaren oinarria, mila litrotan adierazita. Dena den, salbuespen gisa, fuelolioaren kasuan zerga oinarria produktuaren pisua izango da, tona metrikotan adierazita.

Bi. Oinarri ezargarria zuzeneko zenbatespen erregimenean zehaztuko da.

Hiru. Oinarri ezargarrien zeharkako zenbatespena Zergen Foru Arau Orokorrak jasotako kasuetan eta moduan erabiliko da.

10. artikulua. Zerga tasa.

Bat. Zergapeko produktu bakoitzak ondoko zerga tasa izango du:

- a) Gasolinak: 24 euro 1.000 litro bakoitzeko.
- b) Erabilpen orokorreko gasolioa: 24 euro 1.000 litro bakoitzeko.
- c) Erabilpen bereziko eta berogailuko gasolioa: 6 euro 1.000 litro bakoitzeko.
- d) Fuelolioa: euro bat tona bakoitzeko.
- e) Erabilpen orokorreko kerosenoa: 24 euro 1.000 litro bakoitzeko.

f) (ezabatua) ⁶

Bi. Zerga sortzean indarrean dauden zerga tasak aplikatuko dira.

11. artikulua. Zerga jasanaraztea.

Bat. Subjektu pasiboek sortutako kuoten zenbatekoa jasanarazi beharko diete esparru objektiboko produktuen erosleei. Erosleak kuotak jasatera behartuta egongo dira, salbu subjektu pasiboak produktuen amaierako kontsumitzaileak direnean.

Bi. Dena den, indarrean dagoen araudiari jarraituaz, zergapeko eragiketa fakturan edo agiri baliokidean dokumentatu behar denean, sortutako kuotak agiri horretan jasanaraziko dira bertan jasotako gainerako kontzeptuetatik bereizita. Dena den, eragindako pertsona edo sektoreek eskatuta, Zerga Administrazioak baimendu ahal izango du zerga jasanarazteko betebeharra konplitzeari agiriaren barruan honako esanaren sartuz: “Zenbait Hidrokarburoren Txikizkako Salmenten gaineko Zerga barne, (e)ko tasan”.

12. artikulua. Kudeaketa arauak.

Bat. Erabilpen bereziko eta berogailuko gasolioa era berogailuko kerosenoa bakarrik hura jasotzeko baimenduta dauden pertsonak erosi ahal izango dute, Hidrokarburoen gaineko Zergaren araudian jasotakoari jarraituaz.

Bi. Subjektu pasiboak zerga aitortzen aurkeztera behartuta daude, bai eta, hala behar denean, bidezko autolikidazioak egitera ere. Ogasun eta Finantza Departamentuko diputatuak zergaren likidazio prozedura finkatuko du, bai eta hura kontrolatzeko behar diren kudeaketa arauak ere.

13. artikulua. Urraketak eta zigorrak. ⁷

Zerga honetan jarritako urraketak Zergen Foru Arau Orokorrean jasotakoaren arabera zigortuko dira, eragotzi gabe martxoaren 3ko 20/1998 Foru Dekretuak, Gipuzkoako zerga araudia Zerga Bereziei buruzko abenduaren 28ko 38/1992 Legearen xedapenetara egokitzen duenak, 55. artikuluan jasotakoari jarraituaz jar daitezkeen zigorrak.

AMAIERAKO XEDAPENAK

Lehena. Indarrean jartzea.

Foru arau hau Gipuzkoako Aldizkari Ofizialean argitaratu eta biharamunean jarriko da indarrean, eta 2002. urteko urtarrilaren 1etik aurrera izango ditu ondorioak.

Bigarrena. Diputatua gaitzea.

⁶ f) letra hau otsailaren 25eko 5/2003 Foru Dekretuaren 3. artikuluko hiru zenbakiak ezabatu du. Foru Dekretu honek foru xedapen batzuk lurralde komunean onartutako 52/2002 eta 53/2002 Legeetan egin diren arau aldaketetara egokitzen ditu. Foru Dekretu hau Gipuzkoako Aldizkari Ofizialean argitaratzen den egun berean jarriko da indarrean eta 2003ko urtarrilaren 1etik aurrera sortuko ditu ondorioak. (GAO 2003-03-06).

⁷ Artikulu hau martxoaren 8ko Zergen 2/2005 FORU ARAU Orokorren amaierako bederatzigarren xedapenak aldatu du. Foru arau hau 2005eko uztailaren 1ean jartzen da indarrean (2005-03-17 GAO).

Ogasun eta Finantza Departamentuko foru diputatuari baimena ematen zaio foru arau hau garatu eta aplikatzeko beharrezkoak diren xedapen guztiak eman ditzan.

ALDAKETAK

Honako zerrendan foru dekretuak izan dituen aldaketak jasotzen dira.

- *Otsailaren 25eko 5/2003 FORU DEKRETUA, foru xedapen batzuk lurralde komunean onartutako 52/2002 eta 53/2002 Legeetan egin diren arau aldaketetara egokitzen dituen (GAO 2003-03-06).*
 - Bere 3.artikuluak 3.artikulua aldatu; 4.artikuluko zazpi eta zortzi apartatuak kendu eta horien ordeaz zazpi apartatu berria sartu eta 10.artikuluaren bat apartatuko f) letra kendu du.
- *10/2004, FORU DEKRETUA, otsailaren 24koa, hainbat zerga xedapen lurralde komunean egindako lege aldaketa batzuetara egokitzen dituen (GAO 2004-03-02).*
 - Bere 4.artikuluak 6.artikuluaren bat apartatuko f) letraren 2.atala aldatu du.
- *Gipuzkoako Lurralde Historikoko martxoaren 8ko 2/2005 Zergen FORU ARAU Orokorra (2005-03-17 GAO).*
 - Bere amaierako bederatzigarren xedapenak 13. artikulua aldatu du.
- *Urtarrilaren 9ko 1/2007 FORU DEKRETU ARAUA, Gipuzkoako Lurralde Historikoko zerga araudia lurralde erkidean onartutako 10/2006 Errege Dekretu Legeak eta 36/2006 eta 42/2006 Legeak jasotako hainbat xedapenetara egokitzen duena (2007-01-15 GAO).*
 - Bere xedapen indargabetzaileak 6. artikuluko lehen apartatuko e) letra indargabetzen du.